

अरे मत ना बेच कसायां के,
तन्नै दुध पिलाया करती,
और तुं माँ कह क बोलया करता,
मैं नाड़ हिलाया करती ॥

माँ कह हथ्थे में कटवावः,
डुब गया तन्नै दया ना आवः,
बुढ़ी होगी दाम उठावः,
तेरा काम चलाया करती,
अरे मतना बेच कसायां क,
मैं नाड़ हिलाया करती ॥

एक छोट्टा सा बछ्छड़ा जाया,
जिसने तेरः खुब कमाया,
उस दिन तुं फुलया नहीं समाया,
तेरः जिनस आया करती,
अरे मतना बेच कसायां क,
मैं नाड़ हिलाया करती ॥

काढ जेवड़ा तुं लाठी मारः,
जब छ्छीक मैं क आऊँ दवारः,
बाल्टी में धार मारः,
पां ना ठाया करती,
अरे मतना बेच कसायां क,

मैं नाड़ हिलाया करती ॥

क दिन घरां बैठ क खावः,
किसकी खातर पाप कमावः,
अशोक भक्त तन्नै कुछ ना थयावः,
न्युं समझाया करती,
अरे मतना बेच कसायां क,
मैं नाड़ हिलाया करती ॥

अरे मत ना बेच कसायां के,
तन्नै दुध पिलाया करती,
और तुं माँ कह क बोलया करता,
मैं नाड़ हिलाया करती ॥

गायक – नरेन्द्र कौशिक ।
भजन प्रेषक – राकेश कुमार जी,
खरक जाटान(रोहतक)
(9992976579)

Source:

<https://www.bharattemples.com/mat-na-bech-kasaya-ke-tane-dudh-pilaya-karti/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>